

0.0.1 appamattikā

76. appamattikā esā bhikkhave parihāni, yadidaṃ ñātiparihāni. etaṃ patikiṭṭhaṃ bhikkhave parihānīnaṃ yadidaṃ paññā parihānīti.

77. appamattikā esā bhikkhave vuddhi, yadidaṃ ñātivuddhi. etadaggaṃ bhikkhave vuddhīnaṃ yadidaṃ paññāvuddhi. tasmātiha bhikkhave evaṃ sikkhitabbaṃ: paññāvuddhiyā vaḍḍhissāmāti¹. evaṃ hi vo bhikkhave sikkhitabbanti.

78. appamattikā esā bhikkhave parihāni, yadidaṃ bhogaparihāni. etaṃ patikiṭṭhaṃ bhikkhave parihānīnaṃ yadidaṃ paññāparihānī'ti.

79. appamattikā esā bhikkhave vuddhi, yadidaṃ bhogavuddhi. etadaggaṃ bhikkhave vuddhīnaṃ yadidaṃ paññāvuddhi. tasmātiha bhikkhave evaṃ sikkhitabbaṃ. paññāvuddhiyā vaḍḍhissāmāti. evaṃ hi vo bhikkhave sikkhitabbanti.

80. appamattikā esā bhikkhave parihāni, yadidaṃ yasoparihāni. etaṃ patikiṭṭhaṃ bhikkhave parihānīnaṃ yadidaṃ paññāparihānī'ti.

bjt page 028

¹[bjts] = vaḍḍhissāmāti; [chs] = vaddhissamāti; [pts] = vaḍḍhissāmā ti + 1. [ph]. vuddhissamā [throughout].; [thai] = vaḍḍhissāmāti

81. appamattikā esā bhikkhave vuddhi, yadidaṃ ya-
sovuddhi. etadaggaṃ bhikkhave vuddhīnaṃ yadidaṃ
paññāvuddhi. tasmātiha bhikkhave evaṃ sikkhitab-
baṃ. paññāvuddhiyā vaḍḍhissāmāti. evaṃ hi vo bhik-
khave sikkhitabbanti.